

IPA ta tene su charla comunitario encuanto Calypso na Aruba



ORANJESTAD- Musica di Calypso a hunga un rol hopi grandi den e historia di Caribe Ingles como un di e maneranan principal pa documenta acontecimiento na un forma oral. Tambe Calypso ta conoci como "The Voice of the Poor" y "The Voice of the Oppressed". Tin un preocupacion grandi bou di algun grupo den nos comunidad cu Calypso ta muriendo. Hasta tin ta bisa "Calypso dead already"!

Diaranson dia 29 di januari 2014 Instituto Pedagogico Arubano (IPA) y su Centro di Investigacion y Desaroyo di Enseñansa (CIDE) lo tene un Charla Comunitario titula: Calypso na Aruba

Durante e encuentro aki ta bay tin presentacion di drs. Gregory Richardson, docente y investigado riba tereno di cultura di Caribe y specialisa den musica. Tambe lo tin

presentacion di docente y cantante di Calypso Kenny Meyers MEd (Mighty Heads). Durante e encuentro lo trata interes di Calypso y skirbimento di calypso bou di hoben, e rol di idioma (San Nicolas Creole, English, Papiamentu, multilingualismo), historia oral, Calypso y politica, Calypso vs roadmarch vs soca (kico e diferencia ta, tin un diferencia?). Na final di e presentacionnan lo bay tin oportunidad amplio pa haci pregunta y hiba discusion. IPA ta invita henter e comunidad di Aruba pa asisti e encuentro aki.

E charla aki lo tuma luga diaranson, 29 di januari 2014, na IPA den Isaak Wagemakerstraat 11. E charla ta cuminsa 7.15 di anochi y lo bay te cu 9'or y lo wordo duna tanto den idioma Papiamentu como na Ingles. Entrada lo ta completamente gratis. □